

## 紅樓夢詩詞

《紅樓夢》中的大量詩詞曲賦，猶如鑲嵌在碧海青天裏的珍珠和星星，閃耀出奇異的光芒。《紅樓夢》是「文備眾體」的百科全書，其中具備中國文學史上眾多體裁的詩文佳作，不啻為一部個人撰寫的小型《文選》。人們通所說的「紅樓夢詩詞」，其實是「紅樓夢詩詞曲賦」的略稱，它還包括「詩詞曲賦」以外的各種韻文稿體裁。據統計，大約如下：

詩：81首（其中五絕4首，七絕26首，五律9首，七律37首，排律2首，歌行2首，樂府1首）

詞：18首    曲：18首    賦：1篇    歌：3首    偈：4首

謠：1首    諺：1首    贊文：1篇    誄文：1篇

燈謎詩：13首    詩謎：11首    曲謎：1首    酒令：16首

牙牌令：7首    駢文：1篇    擬古文：1篇    書啓：3篇

預言：1則    對句：2則    對聯：22副    匾額：18個

上列各項總計225篇，除去匾額還有207篇詩文。

### 詠白海棠限門盆魂痕昏

#### 探春

斜陽寒草帶重門，苔翠盈鋪雨後盆。  
玉是精神難比潔，雪為肌骨易銷魂。  
芳心一點嬌無力，倩影三更月有痕。  
莫謂綺仙能羽化，多情伴我詠黃昏。

#### 寶釵

珍重芳姿晝掩門，自攜手甕灌苔盆。  
胭脂洗出秋階影，冰雪招來露砌魂。  
淡極始知花更豔，愁多焉得玉無痕。  
欲償白帝憑清潔，不語婷婷日又昏。

### 寶玉

秋容淺淡映重門，七節攢成雪滿盆。  
出浴太真冰作影，捧心西子玉爲魂。  
曉風不散愁千點，宿雨還添淚一痕。  
獨倚畫欄如有意，清砧怨笛送黃昏。

### 黛玉

半卷湘簾半掩門，碾冰爲土玉爲盆。  
偷來梨蕊三分白，借得梅花一縷魂。  
月窟仙人縫縞袂，秋閨怨女拭啼痕。  
嬌羞默默同誰訴，倦倚西風夜已昏。

### 湘雲

其一

神仙昨日降都門，種得藍田玉一盆。  
自是霜娥偏愛冷，非關倩女亦離魂。  
秋陰捧出何方雪，雨漬添來隔宿痕。  
卻喜詩人吟不倦，豈令寂寞度朝昏。

其二

蘅芷階通蘿薜門，也宜牆角也宜盆。  
花因喜潔難尋偶，人爲悲秋易斷魂。  
玉燭滴幹風裏淚，晶簾隔破月中痕。  
幽情欲向嫦娥訴，無奈虛廊夜色昏。

## 菊花詩

### 憶菊-蘅蕪君

悵望西風抱悶思，蓼紅葦白斷腸時。  
空籬舊圃秋無跡，瘦月清霜夢有知。  
念念心隨歸雁遠，寥寥坐聽晚砧癡，  
誰憐我爲黃花病，慰語重陽會有期。

### 種菊-怡紅公子

攜鋤秋圃自移來，籬畔庭前故故栽。  
昨夜不期經雨活，今朝猶喜帶霜開。  
冷吟秋色詩千首，醉酌寒香酒一杯。  
泉漑泥封勤護惜，好知井徑絕塵埃。

### 供菊-枕霞舊友

彈琴酌酒喜堪儔，幾案婷婷點綴幽。  
隔座香分三徑露，拋書人對一枝秋。  
霜清紙帳來新夢，圃冷斜陽憶舊遊。  
傲世也因同氣味，春風桃李未淹留。

### 畫菊-蘅蕪君

詩餘戲筆不知狂，豈是丹青費較量。  
聚葉潑成千點墨，攢花染出幾痕霜。  
淡濃神會風前影，跳脫秋生腕底香。  
莫認東籬閑采掇，粘屏聊以慰重陽。

### 簪菊-蕉下客

瓶供籬栽日日忙，折來休認鏡中妝。  
長安公子因花癖，彭澤先生是酒狂。  
短鬢冷沾三徑露，葛巾香染九秋霜。

高情不入時人眼，拍手憑他笑路旁。

### 菊夢-瀟湘妃子

籬畔秋酣一覺清，和雲伴月不分明。  
登仙非慕莊生蝶，憶舊還尋陶令盟。  
睡去依依隨雁斷，驚回故故惱蛩鳴。  
醒時幽怨同誰訴，衰草寒煙無限情。

### 訪菊-怡紅公子

閑趁霜晴試一遊，酒杯藥盞莫淹留。  
霜前月下誰家種，檻外籬邊何處愁。  
蠟屐遠來情得得，冷吟不盡興悠悠。  
黃花若解憐詩客，休負今朝掛杖頭。

### 對菊-枕霞舊友

別圃移來貴比金，一叢淺淡一叢深。  
蕭疏籬畔科頭坐，清冷香中抱膝吟。  
數去更無君傲世，看來惟有我知音。  
秋光荏苒休辜負，相對原宜惜寸陰。

### 詠菊-瀟湘妃子

無賴詩魔昏曉侵，繞籬欹石自沉音。  
毫端蘊秀臨霜寫，口齒噙香對月吟。  
滿紙自憐題素怨，片言誰解訴秋心。  
一從陶令平章後，千古高風說到今。

### 問菊-瀟湘妃子

欲訊秋情眾莫知，喃喃負手叩東籬。  
孤標傲世偕誰隱，一樣花開爲底遲？  
圃露庭霜何寂寞，鴻歸蛩病可相思？  
休言舉世無談者，解語何妨片語時。

### 菊影-枕霞舊友

秋光疊疊復重重，潛度偷移三徑中。  
窗隔疏燈描遠近，籬篩破月鎖玲瓏。  
寒芳留照魂應駐，霜印傳神夢也空。  
珍重暗香休踏碎，憑誰醉眼認朦朧。

### 殘菊-蕉下客

露凝霜重漸傾欹，宴賞才過小雪時。  
帶有餘香金淡泊，枝無全葉翠離披。  
半床落月蛩聲病，萬里寒雲雁陣遲。  
明歲秋風知再會，暫時分手莫相思。

### 詠柳

### 如夢令-湘雲

豈是繡絨殘吐，卷起半簾香霧，纖手自拈來，空使鶻啼燕妒。且住，且住！莫使春光別去。

### 西江月-寶琴

漢苑零星有限，隋堤點綴無窮。三春事業付東風，明月梅花一夢。  
幾處落紅庭院，誰家香雪簾櫳？江南江北一般同，偏是離人恨重！

如夢令-黛玉

粉墮百花州，香殘燕子樓。一團團逐對成逌。飄泊亦如人命薄，空繾綣，說風流。  
草木也知愁，韶華竟白頭!歎今生誰舍誰收?嫁與東風春不管，憑爾去，忍淹留。

### 臨江仙-寶釵

白玉堂前春解舞，東風卷得均勻。蜂團蝶陣亂紛紛。幾曾隨逝水，豈必委芳塵。  
萬縷千絲終不改，任他隨聚隨分。韶華休笑本無根，好風頻借力，送我上青雲!

### 大觀園題詠

#### 曠神怡情匾額-迎春

園成景備特精奇，奉命羞題額曠怡。  
誰信世間有此境，游來寧不暢神思?

#### 文章造化匾額-惜春

山水橫拖千裏外，  
樓臺高起五雲中。  
園修日月光輝裏，  
景奪文章造化功。

#### 凝暉鍾瑞匾額薛寶釵

芳園築向帝城西，華日祥雲籠罩奇。  
高柳喜遷鶯出谷，修篁時待鳳來儀。  
文風已著宸遊夕，孝化應隆歸省時。  
睿藻仙才盈彩筆，自慚何敢再爲辭。

## 有鳳來儀臣寶玉謹題

秀玉初成實，堪宜待鳳凰。  
竿竿青欲滴，個個綠生涼。  
迸砌妨階水，穿簾礙鼎香。  
莫搖清碎影，好夢晝初長。

## 怡紅快綠

深庭長日靜，兩兩出嬋娟。  
綠蠟春猶卷，紅妝夜未眠。  
憑欄垂絳袖，倚石護青煙。  
對立東風裏，主人應解憐。  
萬象爭輝匾額-探春

名園築出勢巍巍，奉命何慚學淺微。  
精妙一時言不出，果然萬物生光輝。

## 文采風流匾額李紈

秀水明山抱複回，風流文采勝蓬萊。  
綠裁歌扇迷芳草，紅襯湘裙舞落梅。  
珠玉自應傳盛世，神仙何幸下瑤台。  
名園一自邀遊賞，未許凡人到此來。

## 世外仙源匾額-林黛玉

名園築何處，仙境別紅塵。  
借得山川秀，添來景物新。  
香融金穀酒，花媚玉堂人。

何幸邀恩寵，宮車過往頻。

### 蘅芷清芬

蘅蕪滿淨苑，蘿薜助芬芳。  
軟襯三春草，柔拖一縷香。  
輕煙迷曲徑，冷翠滴回廊。  
誰謂池塘曲，謝家幽夢長。

### 杏簾在望

杏簾招客飲，在望有山莊。  
菱荇鵝兒水，桑榆燕子梁。  
一畦春韭綠，十裏稻花香。  
盛世無饑餒，何須耕織忙。

### 即事詩

#### 春夜即事

霞綃雲幄任鋪陳，隔巷蟆更聽未真。  
枕上輕寒窗外雨，眼前春色夢中人。  
盈盈燭淚因誰泣，點點花愁爲我嗔。  
自是小鬟嬌懶慣，擁衾不耐笑言頻。

#### 秋夜即事

絳芸軒裏絕喧嘩，桂魄流光浸茜紗。



苔鎖石紋容睡鶴，井飄桐露濕棲鴉。  
抱衾婢至舒金鳳，倚檻人歸落翠花。  
靜夜不眠因酒渴，沉煙重撥索烹茶。

### 夏夜即事

倦繡佳人幽夢長，金籠鸚鵡喚茶湯。  
窗明麝月開宮鏡，室靄檀雲品禦香。  
琥珀杯傾荷露滑，玻璃檻納柳風涼。  
水亭處處齊紈動，簾卷朱樓罷晚妝。

### 冬夜即事

梅魂竹夢已三更，錦幃衾睡未成。  
松影一庭惟見鶴，梨花滿地不聞鶯。  
女兒翠袖詩懷冷，公子金貂酒力輕。  
卻喜侍兒知試茗，掃將新雪及時烹。

### 食螃蟹詠

#### 寶玉

持螯更喜桂陰涼，潑醋搗薑興欲狂。  
饕餮王孫應有酒，橫行公子卻無腸。  
臍間積冷饑忘忌，指上沾腥洗尚香。  
原爲世人美口腹，坡仙曾笑一生忙。

#### 寶釵食螃蟹詠

桂靄桐陰坐舉殤，長安涎口盼重陽。  
眼前道路無經緯，皮裏春秋空黑黃。  
酒未敵腥還用菊，性防積冷定須薑。  
於今落釜成何益，月浦空餘禾黍香。

## 黛玉

鐵甲長戈死未忘，堆盤色相喜先嘗。  
螯封嫩玉雙雙滿，殼凸紅脂塊塊香。  
多肉更憐卿八足，助情誰勸我千觴。  
對斯佳品酬佳節，桂拂清風菊帶霜。

## 聯詩

### 蘆雪庵爭聯即景詩

一夜北風緊，鳳姐  
開門雪尚飄。入泥憐潔白，李紈  
匝地惜瓊瑤。有意榮枯草，香菱  
無心飾萎苕。價高村釀熟，探春  
年稔府梁饒。葭動灰飛管，李綺  
陽回鬥轉杓。寒山已失翠，李紋  
凍浦不聞潮。易掛疏枝柳，岫煙  
難堆破葉蕉。麝煤融寶鼎，湘雲  
綺袖籠金貂。光奪窗前鏡，寶琴  
香粘壁上椒。斜風仍故故，黛玉  
清夢轉聊聊。何處梅花笛？寶玉  
誰家碧玉簫？鼇愁坤軸陷，寶釵  
龍鬥陣雲銷。野岸回孤棹，湘雲  
吟鞭指灞橋。賜裘憐撫戍，寶琴  
加絮念征徭。坳垤審夷險，湘雲  
枝柯怕動搖。皚皚輕趁步，寶釵  
翦翦舞隨腰。煮芋成新賞，黛玉  
撒鹽是舊謠。葦蓑猶泊釣，寶玉

林斧不聞樵。伏象千峰凸，寶琴  
盤蛇一徑遙。花緣經冷聚，湘雲  
色豈畏霜凋。深院驚寒雀，探春  
空山泣老（臯）。階墀隨上下，岫煙  
池水任浮漂。照耀臨清曉，湘雲  
繽紛入永宵。誠忘三尺冷，黛玉  
瑞釋九重焦。僵臥誰相問，湘雲  
狂遊客喜招。天機斷綺帶，寶琴  
海市失鮫綃。湘雲  
寂寞對台榭，黛玉  
清貧懷箬瓢。湘雲  
烹茶冰漸沸，寶琴  
煮酒葉難燒。湘雲  
沒帶山僧掃，黛玉  
埋琴稚子挑。寶琴  
石樓閑睡鶴，湘雲  
錦（技）暖親貓。黛玉  
月窟翻銀浪，寶琴  
霞城隱赤標。湘雲  
沁梅香可嚼，黛玉  
淋竹醉堪調。寶釵  
或濕鴛鴦帶，寶琴  
時凝翡翠翹。湘雲  
無風仍脈脈，黛玉  
不雨亦瀟瀟。寶琴  
欲志今朝樂，李紈  
憑詩祝舜堯。李綺

### 三五中秋夕聯句

三五中秋夕  
清遊擬上元。撒天箕斗燦  
匝地管弦繁。幾處狂飛盞，  
誰家不啓軒。輕寒風剪剪，  
良夜景暄暄。爭餅嘲黃發，  
分瓜笑綠媛。香新榮玉桂，

色健茂金萱。蠟燭輝瓊  
傳花鼓濫喧。晴光搖院宇，  
觥籌亂綺園。分曹尊一令，  
射覆聽三宣。散彩紅成點，  
素彩接乾坤。賞罰無賓主，  
吟詩序仲昆。構思時倚檻，  
擬景或依門。酒盡情猶在，  
更殘樂已諼。漸聞語笑寂，  
空剩雪霜痕。階露團朝菌，  
庭煙斂夕夕。秋湍瀉石髓，  
風葉聚雲根。寶婺情孤潔，  
人向廣寒奔。犯鬥邀牛女，  
乘槎待帝孫。虛盈輪莫定，  
晦朔魄空存。壺漏聲將涸，  
窗燈焰已昏。寒塘渡鶴影，  
冷月葬花魂。

### 妙玉右中秋夜大觀園即景聯句三十五韻

香篆銷金鼎，脂冰膩玉盆。  
簫增嫠婦泣，衾倩侍兒溫。  
空帳懸文鳳，閑屏掩彩鴛。  
露濃苔更滑，霜重竹難捫。  
猶步縈紆沼，還登寂曆原。  
石奇神鬼搏，木怪虎狼蹲。  
（必細）朝光透，（思）曉露屯。  
振林千樹鳥，啼穀一聲猿。  
歧熟焉忘徑，泉知不問源。  
鍾鳴櫛翠寺，雞唱稻香村。  
有興悲何繼，無愁意豈煩。  
芳情只自遣，雅趣向誰言。  
徹旦休雲倦，烹茶更細論。

### 三人吟紅梅花

### 「紅」字邢岫煙

桃未芳菲杏未紅，沖寒先已笑東風。  
魂飛庾嶺春難辨，霞隔羅浮夢未通。  
綠萼添妝融寶炬，綺仙扶醉跨殘虹。  
看來豈是尋常色，濃淡由他冰雪中。

### 「梅、字李紋

白梅懶賦賦紅梅，逞豔先迎醉眼開。  
凍臉有痕皆是血，醉心無恨亦成灰。  
誤吞丹藥移真骨，偷下瑤池脫舊胎。  
江北江南春燦爛，寄言蜂蝶漫疑猜。

### 「花」字薛寶琴

疏是枝條豔是花，春妝兒女競奢華。  
閒庭曲檻無餘雪，流水空山有落霞。  
幽夢冷隨紅袖笛，遊仙香泛絳河槎。  
前身定是瑤台種，無復相疑色相差。